

SINOPSIS.

Rasulullah (s.a.w.) telah meninggalkan kepada kita satu peninggalan yang amat bernilai iaitu al Hadith di mana ia ia menjadi bekalan dan panduan kepada seluruh umat manusia dalam mencari keredhaan Allah (s.w.t.) dalam kehidupan seharian

Walaupun pada asalnya hadith hadith ini tidak dibukukan sebagaimana ilmu pengetahuan yang terdapat di zaman kini kerana larangan dari Rasulullah (s.a.w.), tetapi ia tersimpan dalam hafalan para sahabat dan keluarga baginda, dan melalui cara inilah tersebar hadith di kalangan umat Islam seluruhnya.

Di antara para perawi hadith dari kalangan keluarga baginda ialah Hafsa Bint ' Umar al Khattab iaitu salah seorang dari isteri isteri baginda. Di dalam kajian ini akan dibentangkan semua hadith hadith riwayat beliau sebagaimana yang terdapat di dalam Sunan Sittah menurut buku

فتاوى الموارين . Untuk mengetahui secara mendalam tentang kajian ini eloklah ditinjau dari bab ke bab.

Dalam bab pertama diutarakan tentang kepentingan hadith dan Sunnat di dalam Shariat Islam, di mana diterangkan tentang pengertian hadith dan sunnat dari sudut bahasa dan istilah serta perbezaan di antara keduanya, pembahagian hadith

dan hubungan diantara hadīth dan al Qur'an.

Di dalam bab kedua pula dibentangkan tentang riwayat hidup Hafsah Bint 'Umar al Khattāb dari awal kelahirannya, perkahwinannya, kehidupannya selepas Rasūlullāh (s. 'a.w.) kehidupannya selepas kewafatan ayahnya, hadīth hadīth riwayat beliau dan kewafatannya.

Manakala di bab ketiga pula ia itu bab Takhrīj Hadīth hadīth riwayat Hafsah Bint 'Umar di dalam Sunan Sittah, di mana dibincangkan tentang pengertian takhrīj dari sudut bahasa dan istilah serta kepentingannya. Di dalam bab ini diuraikan tentang hadīth hadīth riwayat Hafsah (r. 'a.) yang meliputi tentang bab, Kitab dan sanad bagi setiap hadīth berpandukan buku

Di bab ke empat ia itu bab terakhir di dalam kajian ini ia itu bab Intisari Hadīth Hadīth Riwayat Hafsah Di dalam Sunan Sittah Dan Muwatta' Imam Mālik, diterjemahkan setiap hadīth riwayat beliau dan dipetik hukum yang terdapat di dalamnya dengan dibahagikan menurut pembahagian pokok yang meliputi 'Akidah, 'Ibadat, Mu'amalat dan diikuti dengan pembahagian yang lebih kecil bagi setiap perbincangan pokok.

Kajian ini diakhiri dengan penutup dan saranan di mana

ia mengandungi temuan temuan baru yang didapati oleh penulis serta nasihat nasihat kepada kajian di bidang ini.